



Universitätsbibliothek Paderborn

**Ars Bonæ Mortis. Sive: Quotidiana Erga Sanctissimam Dei
Matrem Mariam Pietas**

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XIV. Octobris.

[urn:nbn:de:hbz:466:1-50916](#)

S. Veronica Virgo Mediolanensis id beneficii à Deipara accepit, ut eam sèpius coram videre merita, ejus instructione legere & canere didicerit. Cui Deipara pro devotionis mensura jam pulchriori, jam viliori veste induta comparere solebat. *Ex vita.* Non quid, sed quomodo res agatur, ccelum observat.

S. Veronica pudet me orationis meæ, ubi, quâm ea frigida, quantis plena distractionibus sit, recogito. Vix aliquid veræ orationis etiam in longa oratione reperio. Tu pro me Deiparam ora, ut ritè orare discam, sicque per orationes meas felicem ex hac vita transitum impetrem. O Sanctissima DEI, & mea Mater pretiosissima! ego N. indignissimus filius tuus ex toto corde, omnibusque tam corporis, quâm animæ viribus centies millies, imò infinites te saluto: te omnino possibili omnium possibilium & actualium creaturarum affectu amare, &c. fol. 190.

Ad quod impetrandum: summâ, quâ possum devotioue, preces meas, esto non longas, offeram Deiparæ.

Maria est thesaurus, quia in ea, ut in Gazo-phylacio depositit Dominus omnia dona gratiarum, meritorum, virtutum, donorum, & charismatum. Rich. à S. Laur. l. 4. de laud. F.

Quæstio: An B. V. ex dono Justitiæ Originis habeat subjecta sibi animantia? v. Vega Theol. Mar. n. 837.